

ALIJA IZETBEGOVIĆ  
HTV - 8. VI 1992.

- 1 -

PITANJE: ..... suverenu državu.... pa, kakav je vaš komentar i inače stav u odnosu HVO-a i TO?

ODGOVOR: Pa u ovakvim trenucima najopasniji su sektaški, sektaštvo je najopasnija stvar koja se može pojaviti. Ja otpor HVO-a pozdravljam. On pomaže ovoj borbi. Konačno, oba su spontano, njihov otpor protiv agresije, protiv jednog nametnutog rata, u Sarajevu se stvorio jedan čitav niz, ja u Sarajevu poznajem situaciju, jedan čitav niz grupa na principu samoorganiziranosti, jer mi se kao država nismo spremali za rat, nismo bili spremni. Ja pozdravljam ovo što je u hrvatskom narodu niklo u Bosni i Hercegovini, da se odupre agresoru i da sačuva gradove i sela i svoje domove. Prema tome tim prije što znam iz kontakata da HVO priznaje Bosnu i Hercegovinu, da hrvatski narod listom glasuje za nezavisnost i suverenu Bosnu i Hercegovinu, i da konačno HVO priznaje autoritet Predsjedništva BiH, što je i više puta rečeno od najodgovornijih ljudi. Ono što stvara teškoće to je sada ovo dvojstvo, znate, što imamo Teritorijalnu obranu i HVO, ali je spremno da se uklopi danas u neku buduću..

NOVINAR... organizaciju oružanih snaga ...?

IZETBEGOVIĆ: Tako, buduće oružane snage Bosne i Hercegovine buduću armiju BiH, oni su spremni da se u to uključe i da prema tome priznaju vrhovnu komandu Predsjedništva, također da i sad oni, trenutno, djeluju na istom poslu na kojem djeluju i te ... da ne bude problema ...

I sada, naravno, pošto to niče sve skupa spontano ima i izvjesnih stvari koje se svima ne bi sviđale, ali ja to gledam kao nekakav proces u kome ćemo mi ..... te stvari. Tim prije što nekakva saglasnost postoji u tim osnovnim stvarima. Za što se borimo, protiv koga se borimo, i jedna bitna stvar - metode. O metodama govorim zato što ova suprotna strana ima potpuno neprihvatljive metode. Ja se nadam da one kod nas neće dobiti nikada pravo građanstva i u jednom intervjuu koji sam sinoć dao na kraju su me pitali šta bi poručio borcima i sada, eto koristim priliku da poručim svim borcima i HVO i borcima iz TO-a - treba da se borimo hrabro i mi i oni, i da ne dozvolimo da nikada ne postanemo kao oni, mislim na ove agresore, koji ne biraju sredstva i kod kojih ne postoje nikakvi zakoni.

Ali mislim da se u tom pravcu, dakle, agresor, ciljevi, metode, borbe su iste. Ostalo ćemo, ja mislim, u toku zajedničke borbe uskladiti.

PITANJE:

Gospodine Perdsjedniče, u medijima Bosne i Hercegovine veoma često je sad prisutna, naročito da tako kažem, izjednačavanje problema zvaničnika čuje, imat ćemo problema sa HVO-om i pogotovo sada ovo što srpska propaganda koristi taj nekakav izvještaj Butrosa Galija da se izjednači krivica Bosne i Hercegovine, Srbije i Hrvatske. U kojoj mjeri i na odredjen način bosanskohercegovačka ne baš odredjena politika na neki način pomaže baš u tome što sam sada vrlo jasno i precizno reko?

ODGOVOR:

Prije svega da ponovim ovaj izvještaj Butrosa Galija. Nikoga on ne izjednačava. To je samo beogradska propaganda

koja izjednačava hrvatsku i srpsku stranu. On govori da ima i drugih krivaca, da nije samo Srbija kriva. Ali to nije izjednačavanje. Međutim, za nas je bitno ovdje i na koncu mislim da će biti presudan državnih stav vlasti Bosne i Hercegovine naš sud o odnosu prema Hrvatskoj i Srbiji, njihovoj ulozi u ovom vremenu. Mi znamo da se ovdje Srbija bori, da razori Bosnu i Hercegovinu i da uzme njen jedan komad, da anektira taj komad Bosne i Hercegovine. Mi znamo da se ovdje, istina, bore hrvatske snage, sastavljene od domaćih Hrvata koje jesu dobile pomoć iz Hrvatske u oružju, ali koje se ne bore protiv Bosne i Hercegovine, nego se bore ZA Bosnu i Hercegovinu, koj se bore da sačuvaju Bosnu i Hercegovinu, protiv zajedničkog agresora. To se, po mom mišljenju, izjednačavat ne može. Dok god je to tako, mislim da uopće nema nikakvog problema i ne može se izjednačiti. Prema tome mislim da su to špekulacije. Ali srbijanska politika ima jasan cilj, ona je upravo svojim aktivnostima, svojim postupanjem, prije svega svojom agresijom na Bosnu, stvorila sebi, prije svega nama, a i sebi ogromne probleme. Ona sad pokušava da tu odgovornost podijeli. Držim da u tom pogledu ona neće moći naći u nama nekog saveznika, niti nehotičnog niti hotimičnog. Mi možemo razlikovati dobro o čemu se ovdje radi. Dakle, za nas ne postoji nikakvo izjednačavanje uloge Hrvatske i Srbije, ovdje je Srbija naoružala koljačke grupe i poslala ih u Bosnu i Hercegovinu. Mi smo ovdje imali relativan mir na ogromnim područjima, gdje je stanovništvo izmiješano. Prošao je rat u Hrvatskoj, mi smo imali tu mir. Oni su poslali koljačke grupe koje su zapalile požar nekakvog rata odnosno nacionalnog sukoba, konkretno u Bijeljini, u Zvorniku.... Hrvati to nisu uradili, Hrvati se

bore ovdje u Bosni i Hercegovini protiv nadiranja jugoarmije u, recimo, u Hercegovinu, u Mostar, u Čapljinu, u Široki Brijeg, u Tomislavgrad i tako dalje, Bosanski Brod, oni se bore protiv agresije i to se, po mom mišljenju, ne može izjednačavati. Tko god to izjednačava, taj je izgubio neke elementarne političke kriterije.

PITANJE:

Gospodine Predsjedniče, očigledno da će se situacija u Bosni i Hercegovini i dalje odvijati na rješavanju problema Srba, odnosno srpskog naroda. Prije neki dan kooptirani su i mnogi članovi - dr. Nenad Kecman<sup>ović</sup> i dr. Miroslav Pejanović. Molim vas da nam kažete da li vi naslućujete neke snage, odnosno neke predstavnike srpskog naroda s kojima bi se, eventualno, u ovom trenutku moglo razgovarati?

ODGOVOR:

Prije svega može se razgovarati s onim predstavnicima koji su kooptirani i mi razgovaramo, i mislim da tu konstruktivan razgovor postoji. Mi smo oduvijek govorili, od početka sukoba, da mi za ovo što se događa ne okrivljujemo srpski narod kao cjelinu. Naš stav u tom pogledu neće se promijeniti i nema razloga da se promijeni. Mi smo jasno označili tko je tu kriv - kriva je Srbija, kriva je jugoslavenska armija i kriv je SDS, rukovodstvo SDS-a i veliki dio članova SDS-a.